



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

30. De imperatis Actibus voluntatis.

urn:nbn:de:hbz:466:1-14077

cundus, & duobus iunctis oblatis, utrum sit iucundius. V. G. consultatio est, an in tanto cibo, aut portione sit temperantia, sit iucunditas. At vero tunc non consultatur de fine absolute: sed de fine ad certam materiam contracto, & deductio, ut Aristoteles tradidit.

Quintus queritur, An in unius sum libera actio consultationem requirat? Quidam arbitrantur in hominibus non esse liberam actionem sine consultatione rationis: in Deo tamen esse plenissimam libertatem absque illa consultatione. **Sed dicendum** existimo etiam in nobis esse liberas actiones absque consultatione. Nam libera actio tripliciter potest contingere: **Primum** cum duo, aut plura bona, vel iucunda, vel honesta; aut cum unum iucundum, alterum vero honestum voluntati offeruntur: & tunc voluntas libere unum velle & amare potest ex eis reiectis: in hoc enim libertas est, cum pluram bona voluntati offerantur; & haec sufficit ad meritum, vel peccatum: & tamen non est consultatio, quia non consultamus, delibera mūs nisi de bono ad finem utili. **Secundum** modo libertas est, cum unum tantum, vel iucundum, & suave bonum, vel honestum voluntati obijicitur, quod voluntas velle, & non velle, aut nolle potest: nam etenim est libertas ad plura, quatenus voluntas bonum sibi propositum potest amplecti, aut non amplecti. Haec etiam libertas quamvis sine consultatione sit, ad meritum, vel peccatum sufficit. **Tertium** libertas est in iis, que consultatione rationis eligimus ad finem utiliter consequendum.

Sexto queritur, An possit voluntas ad quippiam appetendum moueri ex sola rei obiecta cogitatione, & notitia simplici? **Duae** sunt opiniones, **Vna docet** non posse, quia Aristoteles aperte tradit non moueri appetitum, nisi mens siue ratio opinetur, & iudicetur, hoc est, nisi quippiam affirmet, aut neget: **Altera** tradit aliquando voluntatem ex simplici rationis notitia promoueri ad aliquid appetendum, quia non minus voluntas potest a ratione moueri, & impelli, cuius consilio regitur, quam appetitus animalis sensus: sed animantes ad bonum fierunt, & malum auerterunt, & fugiunt ex sola imaginatione simplici, siquidem nihil affirment; aut negant: non enim bellum enunciationes affirmando, aut negando componunt, & formant, ut quidam falsò arbitrantur. In hac questione dicendum est, voluntatem ex simplici mensis notitia posse moueri ad aliquid appetendum vel repudiandum. Animaduertendum est simplicem rationis notitiam posse dupliment esse: **vna** est, qua mens intellegendo concipit rerum imaginem, & res ipsas tantummodo, ut veras percipit, non ut bonas. Et haec simplex rei notitia voluntatem ad faciendum non mouet. **Altera** vero notitia est, qua mens siue ratio cognoscit, ac perspicit aliquid, ut bonum homini conueniens, & commodum, neque ut iucundum, vel honestum, vel utile, & huiusmodi notitia quamvis sit simplex, hoc est, quia nihil affirmet, aut neget, non est absque iudicio rationis, & haec sine illa enunciatione sufficit ad voluntatem per mouendam, ut aliquid appetat, quam sibi conueniens, vel aliquid respiciat tan-

quam sibi perniciosum, & noxiū; quoniam omnis facultas appetens se se conferit in rem sibi obiectam tanquam in finem suę naturę congruentem, sed bonum cogitatione perceptum, ut boni rationem siue speciem habet, est voluntatis obiectum, ergo statim ergo est voluntati propositum, & indicatum, ut bonum, voluntas illud velle, & prosequi amore potest: ac ita beatę illę mentes, & spiritus in patria coelesti unico simplici appetitu sicut cognoscunt, ac iudicant Deum trinum, & unum, sicut etiam intuentur, ut bonum; & ideo summo quo possunt amore amplecti: & quoniam cognoscunt Deum, ut supremum omnium rerum dominum, & principem, eum reverenter, & colunt. **Quare** Aristoteles, S. Thomas, & aliū Philosophi, tum etiam Theologi cum communiter tradunt per simplicem rei obiecta notitiam voluntatem non moueri, notitiam accipiunt pro ea, quia simplices, & nuda rerum veritates cogitantur, & cognoscuntur: quoiū nos etiam confitemur: non autem intelligunt eam notitiam qua quippiam perspicitur, & indicatur, ut bonum honestum, utile, vel iucundum.

Cap. XXIX.

De imperatis actibus voluntatis.

HA C T E N V S explicuimus actiones elicitas voluntatis: reliquum est, ut nonnulli de imperatis actibus differamus.

Primo queritur, An imperare sit actus voluntatis, an potius rationis? **Duae** sunt opiniones. **Vna** vult esse actum voluntatis. Ita videntur sentire Anselmus, & Bonaventura, atque id apertere tradunt Scorus, Henricus, Ocham, Durandus, Almaynus, & Medina. Id probant in primis quia voluntas est velut domina, regina, & imperatrix omnium humanarum facultatum: nam ipsa omnes mouet, & impellit, quo vult, & ad id, quod vult, & ipsa est omnium suprema. **Deinde** quia actus imperandi semper est cum vi impellente, & cogente: ut ratio non cogit, non impellit ad opus, sed voluntas. Item quia voluntas omnes hominis facultates adhibet, & applicat ad sua munera, & officia obeienda: & ipsa est quae omnibus facultatibus virtutur tanquam ad ministria. **Postremo** quoniam ad imperium pertinent duo illi actus nimurum, Fac, vel, Ne facias: at huiusmodi actus non possunt esse rationis, sed voluntatis mouentis, & impellentis ad agendum. **Secunda** opinio tradit, imperium esse aetum rationis. Sic aperte sentiunt S. Thom. i. 2. quest. 17. art. 1. & ibi Caius, Conrad. Medi. Sot. libri. 1. de Inst. quest. 1. art. 1. R. richard. 3. dist. inst. 33. art. 2. quest. 1. ad 3. **& probant**, quia teste Aristotele, Prudentia est propriæ præcipere, non solùm exquirere, iudicare: Sed Prudentia est rationis, igitur haec imperat, non voluntas. Item ad aetum imperandi spectat dirigere, & præscribere quid sit agendum, & quid evitandum. **Item** imperantis est denunciare alteri, quid oporteat eum facere. Sed denunciare non est voluntatis, sed rationis. Ad haec, imperare, & obedire ad se inuicem referuntur;

*Ansel. lib.
de concep.
Virg. ca. 4.
Bona. 3. d.
17. art. q. 1.
n. 12. Hen.
quodlib. 9. q.
6. Scot. 3. d.
36. q. 1. a. 2.
Dur. 2. d.
24. q. 2. &
d. 37. q. 2.
Amar. trac.
3. moral. t.
2. Medi. de
potest. tra.
dia. 6. q. 2.
de oratio.
ne. Mai. 3.
d. 32. qu. 7.
Castrus li.
1. de lega
penn. ca. 1.
Gabr. 2. d.
39. q. 1. hr.
2. nota. 2.*

sed obediens, est rationis: nam cetera animantia rationis expertia non parent, sed ex necessitate, & conditione naturae carent: ergo imperare aetiam est rationis. Postremo, lex est norma, regula, & recta ratio rerum agendarum, ergo lex est rationis actus; sed legis est imperare. Nysesius siue Nemesius sepe dicit, imperium esse rationis.

In hac controversia, Primo compertum est, tria ad actum imperandi pertinere: unum est ordinem agendorum prescribere. Alterum denunciare subditis, quid sit faciendum: tertium est ad agendum alterum mouere, & impellere: non enim omnis, qui alterum mouet, denunciat, nec ordinem rerum agendarum prescribit: nec omnis qui denunciat aliquid factitandum, ordinat: constat inter omnes, ordinare res agendas esse rationis dirigentis: & denunciare pariter esse rationis, ratio enim intelligendo loquitur; mouere autem voluntatis esse. Prima opinio affirmit, actum imperandi esse, impellere alterum ad opus prescribendo, & denunciando ei, quod est facturus; & propterea esse actum voluntatis momentis ad opus ex denunciatione, & prescriptio rationis. Secunda opinio docet, imperium esse prescriptum, & denunciationem rationis ex motu, & impulsu voluntatis profectam. Et haec opinio mihi videtur probabilior, quotiescumque loquimur de imperio viuis hominis in alterum, cuiusmodi sunt leges, & constitutio-nes Principum, & aliorum Magistratum edita, & quorumcunque Ducum, & Praefectorum imperia.

S. Tho. 1.2.
q. 17. art. 3.
ad. 1.

Alma. tra
B. 4.3. mo-
rale. 3. A-
dri. quodl.
4. a. Ma-
3. d. 23. q. 7.

Secundum queritur, An in humanis actionibus praeter actum eligendi, necessario ponit debeat alius actus imperandi, quo ratio prescribat, & denunciet ceteris hominis facultatibus ex im-pulso voluntatis quid fieri oporteat. S. Thomas aperte docet actum imperandi necessario esse ponendum ab electione distinctum, & post electionem consequentem, quia postquam facta est electio eius, quod est utile ad finem, ratio imperat, id est, ex voluntatis impulsu prescribit, & denunciat esse agendum, vel faciendum, quod est electum, ac deinde alia facultates id exequuntur. Almainus vero, & Adrianus docent in actionibus humanis necessarium non esse huiusmodi imperium post electionem. Et hac sententia quibusdam iuoribus magis probatur: Sed primum refert, hanc aut illam sententiam sequamur; quoniam S. Thom. solum docere voluit post electionem sequi imperium rationis in huc modum. Voluntas vtitur reliquis facultatibus, hoc est, applicat eas ad id exequendum, quod eligimus, sed non applicat, nisi ductu, & imperio rationis, quod licet electionem antecesserit, manet tamen adhuc post electionem. Primo, quia denunciatio rationis non est nisi ad eos, qui auscultare, & auscultando, & intelligendo parere possunt: at post electionem, ceterae hominis facultates ex necessitate naturae rationi subiecta sua munera, & officia exequuntur. Deinde teste Aristotele, Prudentia est præcipere: Sed Prudentia necessaria est ad eligendum: ergo Prudentia præceptum (quod secundum Aristotelem nihil aliud est, nisi recte rationis prescriptum, quo i-

dicatur, & decernitur, quid fieri oporteat ad finem consequendum) electionem omnino antecedit, ac proinde ante, non post electionem, imperium rationis existit. Item ex Aristotelis sententia virtutes morales non gignuntur, nisi ex præcepto Prudentiae, & propterea virtus moralis est, qua eligimus id quod est utile ad finem; at prudentia quatenus prudentia constituit, id quod ad recte eligendum conductit: ergo præceptum Prudentiae semper est ante actum virtutis, cuius est bonum eligere, rationis consilio, & iudicio definitum. Ex quo efficitur, ut cum Aristoteles docet, Prudentiae esse, præcipere, non fit intelligendum, esse actum rationis, vel Prudentiae, quoniam verbis imperatiui modi præcipiat, aut vetet, Fac, vel, Ne facias; sed esse actum quo ratio prudenter iudicat, prescribit, & decernit, quod sit eundum, unde recedendum, hoc est faciendum, illud caendum, & fugiendum, ut conuenienter virtuti operemur: & huiusmodi recta rationis iudicium, ductum, & decretum appellat Aristoteles Prudentia præceptum sive prescriptum. Obiectis, Aristotelem ponere tres actus, quos Prudentia requirit, & postulat, nimis inquirere quod est utile ad finem, & hunc actum ait ad *ivßλλων*, id est, bonam inquisitionem pertinere: & indicare, & hunc actum spectare ad *νόον* id est, ad vim, & facultatem iudicandi: & præcipere, & hunc actum ait proprium esse Prudentiae. Respondeo, eo loco Aristotelem actus Prudentiae posuisse unum quidem, qui est bona inquisitio, & inuestigatio eorum, quae dicunt, & diri-gunt ad finem, & ita *ivßλλων* esse actum Pruden-tiae: alterum verò quod est rectum iudicium, quo prudenter iudicamus de ijs, quae sunt ad finem utilia; & hoc appellat præceptum Prudentiae. Preter hos duos Prudentiae actus ponit etiam Aristoteles alios habitus, vel actus ad Prudentiam necessarios, inter quos est *στήσις* que latine est sagacitas, & perspicacia, que ponitur ab Aristotele tanquam habitus ad Prudentiam requisitus, quo possumus recte iudicare de eo, quod per Prudentiam studiosè inquisiuimus, & consultauimus diligenter. Parte ratione *Γάρ* ponit Aristoteles tanquam habitum ad Prudentiam maximè necessarium, quo quis potest secundum bonum, & æquum sententiam ferre de eo, quod prudenter inquisuit, & inquirendo decrevit: *γένεται* enim Græcè idem est, quod latine sententia.

Tertio queritur, Quo pacto vulgariter actus voluntatis dicantur esse imperati, vel non imperati, si imperium non est actus voluntatis. Respondeo, Actus vñitate dici imperati, aut non imperati voluntatis, quoniam sunt motu, & impulsu voluntatis ex consilio, iudicio, & deliberatione rationis: Quare imperium, à quo actus imperati voluntatis dicuntur, nihil est aliud, nisi motus, & impulsus voluntatis ex consilio, iudicio, & prescripto rationis ad aliquid agendum, vel faciendum.

Quarto queritur, Qui actus, & motus in homine voluntatis, & rationis imperio subijciantur: quod est querere, quānam hominis facultates, & vires pareant, & obtemperent. Aristoteles docet duas esse in homine vires, unam que rationi obsequuntur, & rationis consilio, & iudicio diriga-

Arist. lib.
Ethic. 6.c.
8.9. C. 10.

Arist. lib.
Ethic. 6.c.

*Ariph. lib. 1.
Politico.
cap. 3.*

dirigatur; alteram quæ rationi non obediāt, nec possit rationis consilio gubernari. Facultas namque concupiscendi, vel irascendi rationi interdum aufcūltat, cuius consilium, & ducūt aliquando seſtatur: at verò naturalis facultas hominis, qua est vis nutriendi, augendi, generandi, rationi non paret. Item alio in loco docet Aristoteles mentem, sive rationem imperare facultati appetendi principatu politico; corpori verò principatu despoticō. Vult dicere, Mens, & ratio suo consilio, & iudicio gubernat vim appetentē, veluti Rex ciues sibi subiectos, qui non necessitate, sed sponte, & voluntate scienter obtemperant: at verò corpus moderatur, & regit, sicut dominus seruum sibi obligatum, qui necessitate, non libera voluntate, eius mandata & iussa semper facessit. Primum igitur, vt omnes voluntatis actus imperatos enumeremus: actus voluntatis potest esse imperatus ab alio actu voluntatis, atque ita voluntas sibi imperat aliquando, hoc est, ex uno actu sese mouet, & applicat ad aliud volendum; & hoc modo nos ex amore, vel timore, vel religione in Deum excitati ad peccata deſtada permouemur, ac propterea peccatorum detestatio est actus imperatus ab amore in Deum. Secundū actus rationis potest esse imperatus à voluntate, hoc est, ex motu, & impulsu voluntatis. Hac ratione actus credendi est quidem actus elicitus rationis, sed imperatus à voluntate, quoniam proficiscitur ex pio affectu, & impulso voluntatis, quo qui credit, suum præstat assensum. Quandocunque autem mens, vel ratio rei evidenter conuicta assentitur, non subiectur spontaneo, & libero voluntatis imperio: quādo verò solum est ratio probabilis rei dubiae faciens fidem, tunc noster assensus penderet ex pio voluntatis impulsu, & affectu, quia ratio, & argumentum probabile nequam nos evidenter, & manifesto conuincit. Tertio, Actus facultatis concupiscentis, vel irascientis possumus esse imperati, licet interdum omne voluntatis, & rationis imperium ante cedat. Quare imperio hoc est motu, & impulsu voluntatis possumus aliquando irasci, contristari, dolere, timere, desiderare, delectari, & amare. Quarto, Actus virium sentientium possumus esse imperati: possumus enim ex motu voluntaris, & rationis consilio, & iudicio cernere, gustare, audire, loqui, odorari, tangere. Quinto, Actus facultatis animalis loco mouentis possumus esse imperati. Vis loco mouens in animantibus generatum est, qua alia progressiuntur, alia natant, alia volant, alia humiſerpunt. In hominibus verò est vis incedendi, & propterea incessus hominis, imperio voluntatis subiectur: potest etiam homo imperio mentis aliud corporis impellere, vel circumferre, vel projicere, vel ad se trahere, aut alio deferre, & portare, quæ sunt quedam species motus in loco, vel circa locum. Actus verò in homine, qui imperio voluntatis, & rationis non parent, pertinent ad vires, quas Philosophi, & Medici, naturales & vitales appellant. Vis naturalis, est facultas nutriendi, & augendi; quæ quatuor alias sibi habet tanquam administras, quæ sunt: Vis attrahendi, retinendi, concoquendi, & expellendi. Primum enim attrahit cibus, attractus retinetur, reten-

tus concoquitur; & quod ex concoctione abundant, expelliuntur. Est item naturalis facultas, vis generandi. Harum virium actiones non sunt rationis imperio subiectæ, quia ex conditione, & necessitate nature mouentur, & sua munera, & officia naturaliter præstant, in somno absque voluntate semen emittimus, & innata est animantibus naturalis coeundi, & generandi cupiditas. Vitalis facultas est duplex, una, quæ in motu spiritus per arterias consistit, quem motum Medici pulsū appellant: Et huiusmodi actus imperium rationis non sequitur. Altera est respirandi facultas, qua spiritum ex pulmone emittimus, nemini cor incalescat, & nouum attrahimus, ut cor refrigeretur. Huius facultatis actionem non esse voluntariam Aristoteles tradit. Nyssenus naturalem esse dicit: nam in somno etiam respirationem. Medici quidam imperio voluntatis subiectam esse arbitrantur, atque id experientia, & ratione confirmant. Nam multi, ut diutius sub aquis immortent, ad tempus spiritum compriment. Nonnulli etiam, ut sibi ipsis mortem conscient, diu à respirando sese continuerunt: denique sponte sua potest quis respirare, & non respirare, quamuis diu respiratione repressa suffocatus intereat. Objicies, Nihil cogitantes respirationem. Respondent, hoc minime impedire, quin respiratio possit esse voluntaria: nam & aliquando nihil cogitantes incedimus, loquimur, aspicimus; & tamen incedere, loqui, & aspicere sunt aliquando voluntaria. Postremo sunt duo alii appetitus, qui imperio rationis non parent, nisi ob materiam sponte, & voluntate substracta, nempe sitis, & famis. Sitis est cupiditas teste Aristotele, frigidi, & humili videlicet potionis. Fames verò est cupiditas calidi, & fisci, nimis ubi cibi; huiusmodi cupiditates naturæ necessitate, & conditione excitantur, & surgunt: potest tamen quis vltro seca ab efca potuque abstinere, ac proinde sitim, ac famem suo nutu, & arbitratu peti. Rationi quoque non aufcūltant, nec obtemperant voluntati quidam naturales motus, & impetus, qui ex affecto corpore excitati nascuntur: ut moeror, & luctus in morbo ex atra bili premcte: gestiens lætitia ex liquido, & puro sanguine, quo solet esse cor circumfulsum: offendio ex plaga accepta: sternutamēta ex aliquo in naribus coniecto, vel immisso, ludor ex agitatione corporis vehementi. Hi & alij huius generis motus ita sunt celeres, ac rapidi, ut ante rationis iudicium præcurrant, ac præuolent.

LIBRI PRIMI FINIS.



IOANNIS

*Ariph. lib. 3
Phys. tex.
st. Nyssen,
lib. citato,
c. 19.*

*Ariph. lib. 2
de Anima
tex. 28.*

*Nyssen, lib.
4. Philoso.
c. 2. et c. 18.
Nyssen, lib.
citato. c. 15.
Nyssen, lib.
citato. c. 27.*